

Pasio baten lehen pedalkadak

Drogeteniturrriko ale honetan elkarriketatu dugun Igor Astarloak bezala, Ermuan eman dituzte txikitatik lehen pedalkadak artikuluko honetako protagonistek. Ostadar maillotarekin amestea asko da, historian zehar txirrindulari gutxiren esku dagoen zerbait, baina edonork dauka bizikleta gainean gozatzeko aukera. Ermuko Txirrindulari Taldeko gazteenek ondo dakite gurpil biren gainean disfrutatzen eta, gainera, maila ona erakusten dute.

Eskubaloia, futbola eta saskibaloia dira, orokorrean, eskola adinean umeen artean arrakasta gehien izaten duten kirolak. Ermuan, ordea, txirrindularitzak beti izan du garrantzia, gurpil gainean ondo moldatzen dira ermuarrak gaztetatik eta, ondorioz, Ermuko Txirrindulari Taldeak txirrindulari gazteen talde polita osatu du. 6 eta 14 urte bitarteko 17 txirrindulari osatzen dute taldea. Neska eta mutilek elkarrekin korritzen dute lasterketetan, baina infantiletan 9 neska baino gehiago

badaude, bakarrik lehiatu daitezke. “Gure taldekoek nahiago dute nesken artean lehiatu, baina ez diete beldurrik mutilei”, esan digu Loli Roo Ermuko Txirrindulari Taldeko entrenatzaileak.

Ermuko txirrindularitza eskolak 40 urte inguru ditu, baina Rooren ustetan jendeak ez daki ondo umeek eskolarteko kirolean txirrindularitza aukeratu dezaketela. “Lagunek egiten dutena egiten dute umeek, eta eskubaloia eta futbola gailentzen dira Ermuan. Hala ere, kirol horietan oso onak ez direla ikusten duten gazte



asko guregana etortzen dira gero”.

Ume askok txirrindularitza izena ez ematearen arrazoia ikusgarritasun falta izan daitekeela azpimarratzen du entrenatzaileak. Izan ere, taldeak antolatzen duen lasterketa Hanbreko poligonoan egin behar izaten dute uztailaren 15ean, Ermuko kaleetan egitea ez delako segurua eta han toki gehiago dagoelako. Askok ez dute ekintza honen berri izaten eta ezin izaten dituzte gazteak erakarri. Sare sozialak dira gazteak erakartzeko arma eraginkorrenak eta taldeari buruzko informazioa jasotzen duten panfletoak banatzen dira herriko ikastetxeetan.

Lehiatu gabe ondo pasatzen

Taldeak garrantzia badauka ere, bakarka lehiatzen den kirola da txirrindularitza. “Zeure burua da daukazuna, ez besterik”, dio Rook. Eskola-bilerak deitzen diren saioetan lehiatzen dira

Bizkaian Ermuko Txirrindulari Taldekoak. “Hau da, ez dago lehiarik eta, beraz, ez dago irabazle edo galtzailearik”. Parte-hartzaile guztiek opari bera jasotzen dute eta bizikleta gainean ondo pasatzea da helburua. “Bizkaiko eta Euskadiko Txapelketetan, ordea, bai egoten da sailkapena, baina maila handiagoko saioak izaten dira eta infantilak bakarrik lehiatzen dira”. Gainera, ohiko egutegiaz gain, infantilek beste proba berezi batzuk izaten dituzte etorkizunean aurkituko dutenari begira prestatzen joateko (erlojupekoak, kronoigoerak eta abar). “Infantiletatik aurrera talde batera jauzi egin behar izaten dute eta hor bai hasten dira benetan lehiatzen”.

Maila ezberdinetan aritzen badira ere, eskola-kirolaren barruan dabilten txirrindulariek egutegi bera izaten dute eta, beraz, adin guztietako umeak elkarrekin joaten dira eskola-bilera egitea tokatzen den herrira.



solozabal
tabakoak

torrekua 1
tel./fax: 943 17 07 33



optika
itze

✓ ENTZUMENAREN DOHAINEKO KONTROLAK
✓ AUDIFONOETAN AZKENENGO TEKNOLOGIA

Probaleku, 7

Tfnoa. 943 17 46 51

“Urtean 24 lasterketa egin ditzake bakoitzak gehienez, eta larunbatetan mendiko-bizikletako lasterketak egin dira eta igandeetan errepidekoak. Txirrindulari bakoitzak erabakitzen du non ibili nahi duen”.

Sozializatzeko aukera

Lasterketak zirkuitu itxian egiten dira infantil mailara arte. “Beraz, segurua da, ez dago arrisku handirik”. Entrenatzaileak adierazi digunez, askotan umeek izena eman nahi dute, baina gurasoek ez diete uzten, beldurra ematen dielako. “Bada, lasterketa normalez gain, ginkanak ere egiten dituzte eta abilezia handia hartzen dute bizikleta gainean”. Ginkana horien bitartez lortutako abilezia berebizikoa dela deritzo Rook, bizikleta gainean askoz ere seguruago ibiltzeko gaitasuna ematen dielako gazteei.

Bakarka lehiatzen den kirola bada ere, Ermuko gazteek beste txirrindulariekin asko sozializatzen dutela aipatu digu Rook. “Toki guztietan dituzte lagunak gure txirrindulariek”. Orain dela gutxi parte hartu zuten lasterketa batean 300 ume inguru zeu-

den eta lagun berriak egiteko aukera ezin hobea da umeentzat entrenatzailearen uste-tan. Gainera, hainbat kanpu-setara ere joan dira Ermuko txirrindulariak eta kirol honen inguruko ezagutzak handitu dituzte jende berria ezagutzen zuten heinean (nutrizioa, materiala eta abar).

Ermuko Txirrindulari Taldeak bizikletak eta beharrezko materiala eskaini die ume guztiei. “Ez dira punta-puntako bizikletak, orain dela hainbat urte utzi zizkigulako Orbeak, baina oso ondo dau-de gure txirrindularientzat”. Gero, nahi duenak bere bizikleta erabil dezake, baina normalena etxean mendiko-bizikleta edukitzea dela aipatzen du entrenatzaileak. “Gainera, ez dugu nahi ume batek hasieratik bizikleta bat erostea, bi egunetara kirola utzi eta bizikleta alperrik galduko duelako”. Momentu honetan taldeak ez dauka babeslerik eta esku zabalik hartuko dituzte proposamenak.

Arrakastatsuak txikitatik

Ondo pasatzeko eta txirrindularitzaren munduan murgiltzeko hasten badira ere,



Ermuko gazteek eskuak altxatu dituzte jada hainbat lasterketatan. Bizkaiko Txapelketako ginkana proban emakumezkoen infantiletako lehen urtekoen mailan Izaro Oliveirak lehen postua lortu zuen eta infantiletako bigarren urtekoen mailan Ixone Miñambres bigarrena izan zen, eta gizonezkoen infantil mailan Oier Moran gailendu zen; errepideko lasterketan, bestetik, gizonezkoen infantiletako bigarren urtekoen mailan Aimar Galdosek irabazi zuen, Ixone Miñambres bigarren izan zen emakumezkoen infantiletako bigarren urtekoen mailan, eta Izaro

Oliveirak bigarren amaitu zuen infantilen lehen urtekoen kategorian. Bestetik, Arrasaten Euskadiko Txapelketa lehiatu zen orain dela aste batzuk eta Aimar Galdos ginkanako azpitxapeldun izan zen eta 3. postuan amaitu zuen errepideko lasterketa. “Orain, uztailearen 6tik 8ra Galizian egingo den Espainiako Txapelketara joango dira Aimar eta Ixone”, dio pozik Rook. Izan ere, ez dago zalantzarik, Ermuko txirrindularitzarekin duen maitasun historiak iragana izan du, oraina dauka, baina batez ere ziurtatuta dauka etorkizuna.

Ekhi Velar

Modas Cande
Candelaria Rueda

Diputación, 12 | 48260 ERMUA Bizkaia
T 665 703 904
modascande@gmail.com

Iberikoetan
espezialistak

Mayte

Denda
berria

VI Centenario 5 · ERMUA
943 172 412

ZK

**ZUZENBIDE
KONTUAK**
Lege eta
kontu aholkularitza

Izarra Centre eraikina
Tel: 846080080
Mugikorra: 688885435
zuzenbidekontuak@gmail.com

SEHIGA
PROTECCIÓN LABORAL
PLAN BABESERAKO
ORDURA

Goienkale kalea (Ermua)
Tel: 943 172 454
sehiga.proteccionlaboral@gmail.com

CAPRI
PIZZERIA
943 03 33 15